



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<< 03 >> նոյեմբեր 2018թ.

Ո Ր Ո Շ ՈՒ Մ No. 4446/15 Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<ԳԵՌԻՏԱ>> ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<ԳԵՌԻՏԱ>> ՍՊԸ-ի (ՀՎՀՀ՝ 03500352, հասցե՝ Կոտայքի մարզ, Սևանի փ. 11, գրանցման համար՝ 11.020.00457, ժամանակավոր դադարեցված՝ 20.10.2018թ.) չկատարված հարկային պարտավորությունը <04> 10 2018թ.-ի դրությամբ կազմել է 4.283.115 դրամ, որից ապառք՝ 3.241.321 դրամ, տույժ՝ 1.041.794 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <05> 10 2018թ.-ին հարկ վճարողը ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, չի ներկայացել վարույթի նյութերին ծանոթանալու համար, որն է բացատրություն չի տվել և վճարումներ չի կատարել:

ՀՀ ԿԱ ՊԵԿ իրավաբանական վարչության պետի կողմից 08.12.2016թ-ին, 26.12.2017թ-ին, 26.04.2018թ-ին կայացվել են հարկ վճարողից ժամանակին չվճարված հարկային մարմնի կողմից վերահսկվող եկամուտների գծով վճարման ենթական գումարը գանձելու մասին թիվ 960/8, թիվ 3642/15, 802/15-Ա որոշումները, որոնցից թիվ 960/8 որոշման շրջանակներում վճարման ենթակա գումարը եկամտային հարկի գծով կազմում է 173.775 դրամ /ապառք՝ 164.544 դրամ, տույժ՝ 9.231 դրամ/, թիվ 3642/15 որոշման շրջանակներում վճարման ենթակա գումարը կազմել է 2.450.231 դրամ, որից եկամտային հարկ՝ 1.797.947 դրամ /ապառք՝ 1.326.015 դրամ, տույժ՝ 471.932 դրամ/, բնապահպանական վճար՝ 18.910 դրամ /ապառք՝ 15.087 դրամ, տույժ՝ 3.823 դրամ/, շրջանառության հարկ՝ 600.103 դրամ / ապառք՝ 465.280 դրամ, տույժ՝ 134.823 դրամ/, սոցիալական վճար՝ /ամսական/ 33.271 դրամ /ապառք՝ 23.219 դրամ, տույժ՝ 10.052 դրամ/, թիվ 802/15-Ա որոշման շրջանակներում վճարման ենթակա գումարը կազմում է 708.203 դրամ, որից եկամտային հարկ՝ 559.738 դրամ / ապառք՝ 393.720

դրամ, տույժ՝ 166.018 դրամ/, սոցիալական վճար /ամսական/ գծով տույժ՝ 1.428 դրամ, շրջանառության հարկ՝ 141.377 դրամ /ապառք՝ 87.494 դրամ, տույժ՝ 53.883 դրամ, բնապահպանական վճար՝ 5.660 դրամ /ապառք՝ 3.890 դրամ, տույժ՝ 1.770 դրամ/, 19.07.2018 թվականի թիվ 1819/15-Ա որոշման շրջանակներում վճարման ենթակա գումարը կազմել է 330.104 դրամ, որից եկամտային հարկ՝ 228.840 դրամ / ապառք՝ 191.400 դրամ, տույժ՝ 37.440 դրամ/, սոցիալական վճարի /ամսական/ գծով տույժ՝ 166 դրամ, շրջանառության հարկ՝ 96.434 դրամ /ապառք՝ 82.208 դրամ, տույժ՝ 14.226 դրամ, բնապահպանական հարկ և բնապահպանական վճար՝ 4.664 դրամ /ապառք՝ 3.931 դրամ, տույժ՝ 733 դրամ/:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **620.802** դրամ, որից՝

եկամտային հարկի գծով պարտավորությունը կազմում է 497.245 դրամ, որից ապառք՝ 394.437 դրամ, տույժ՝ 102.808 դրամ, որն առաջացել է 2018 թվականի մայիս-օգոստոս ամիսների եկամտային հարկի և սոցիալական վճարի ամսական հաշվարկներից, ինչպես նաև ՀՀ հարկային օրենսգրքի 401-րդ հոդվածների համաձայն հաշվարկված տույժերից,

շրջանառության հարկի գծով պարտավորությունը կազմում է 118.087 դրամ, որից ապառք՝ 86.165 դրամ, տույժ՝ 31.922 դրամ, որն առաջացել է 2018 թվականի 2-րդ եռամսյակի հաշվարկից, ինչպես նաև ՀՀ հարկային օրենսգրքի 401-րդ հոդվածների համաձայն հաշվարկված տույժերից,

սոցիալական վճարի /ամսական/ գծով պարտավորությունը կազմում է 168 դրամ, որն ամբողջությամբ տույժի գումար է և առաջացել է հարկը օրենքով սահմանված ժամկետից ուշ վճարելու համար հարկի նկատմամբ <<Կուտակային կենսաթոշակների մասին>> ՀՀ օրենքի 71-րդ հոդվածի համաձայն հաշվարկված տույժերից,

բնապահպանական հարկի և բնօգտագործման վճարի գծով պարտավորությունը կազմում է 5.302 դրամ, որից ապառք՝ 3.931 դրամ, տույժ՝ 1.371 դրամ, որն առաջացել է 2018 թվականի 2-րդ եռամսյակի բնապահպանական հարկի և բնօգտագործման վճարների միասնական հարկային հաշվարկից, ինչպես նաև ՀՀ հարկային օրենսգրքի 401-րդ հոդվածի համաձայն հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և

հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ Հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<ԳԵՌԻՏԱ>> ՍՊԸ -ից գանձել **620.802** դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Handwritten signature in blue ink.

Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ Գ. Թադևոսյան

ԻՎ ՀԳ բաժին

Հեռ. 011-54-91-91/9165/